

Aatsitassanut inatsimmiittup § 45c -p allannguutissaatut inatsimmik siunnersuummik kingusinnerpaamik UPA 2017 sioqqullugu saqqummeeqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Taamaalilluni aligoqqiit (diamant), aligut aappalaartut (rubin), safir, smaragd, chrysoberyl, kiisalu opal-it §§ 45-miit 45a-mut malittarisassat malillugit katersorneqarsinnaalersillugit

pillugu

Aatsitassanut Ataatsimiititaliap

siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Jens-Erik Kirkegaard, Siumut, siulittaasoq
Inatsisartunut ilaasortaq Múte Bourup Egede, Inuit Ataqtigiit, siulittaasup tullia
Inatsisartunut ilaasortaq Poul Hansen, Demokraatit
Inatsisartunut ilaasortaq Ineqi Kielsen, Siumut
Inatsisartunut ilaasortaq Siverth Karl Heilmann, Siumut
Inatsisartunut ilaasortaq Naaja H. Nathanielsen, Attaviitsoq
Inatsisartunut ilaasortaq Kalistat Lund, Inuit Ataqtigiit

UPA2016-imi 9. maj 2016-imi siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Diamantit, rubinit, safirit, smaragdit, chrysoberylit opalillu aatsitassat akikinnerit allat assigalugit nunaqavissut akuersisummik peqaratik katersinnaalersillugit aatsitassat pillugit inatsisip allanngortinneqarnissaa siunnersuuteqartup siunnersuuteqarnermigut kissaatigaa.

Siunnersuutip Inatsisartunit siullermeerneqarnera

Siunnersuut siullermeerneqarmat partiinit tamanit taparserneqarpoq. Naalakkersuisuttaaq siunnersuut taparserpaat nalunaarutigalugulu maannakkut inatsisunik allannguuteqartitsinissamut siunnersuutit suliarineqalereersut. Allannguutit ilaatigut nassatarissavaat aatsitassanik, taakkunungalu ilanngullugit ujaqqanik pinneraasiassanik aatsitassanillu akisuunik katersinnaanerup annertunerulernera aammalu takornariat sunik Kalaallit Nunaannit annisseqqusaanerannut maleruagassat ersarinnerulernerat. Inatsimmut

allannguutissat taakku 2016-imi ukiaanerani ataatsimiinnermi Naalakkersuisunit saqqummiunneqalersaarput.

Ataatsimiititaliap siunnersuummik suliarinninnera

Najugaqavissoq tassunga akuersissummik piumasaqaateqanngitsumik ukiumut 100.000 kr.-t sinnernagit aatsitassat tamakkiisumik nalingat annertunerunngippat aatsitassanik kaanngarnikunik aamma aatsitassanik paaanermik inuussutissarsiuutigalugu katersuisinnaasoq aatsitassat pillugit inatsimmi aalajangersarneqarpoq. (§ 45 a).

Taamaattorli inatsimmi § 45 c-mi allassimavoq §§ 45-45 a naapertorlugit aatsitassanik katersugaqarsinnaanermut paaasinnaanermullu ilaangitsut diamantit, safirit, rubinit, smaragdit, chrysoberylit, opalit aamma aatsitassat radioaktiviusut, taamaalillutillu aatsitassanik katersuisinnaatitaanermi *nalinginnaasumi* **ilaatinneqaratik**.

Diamantit, safirit, rubit, smaragdit, chrysoberylit opalillu ilaatinneqannginnerisa atorunnaarsinneqarnissaa siunnersuutikkut siunertarineqarpoq.

Siunnersuut siullermeerneqarmat tapersersorneqarluartoq, Naalakkersuisunillu aamma taperserneqartoq, Naalakkersuisullu siunnersuummi matumani siunertarineqartut inatsimmut ilanngunneqarnissaat pillugu inatsimmut allannguutissanik saqqummiussilersaartut ataatsimiititaliamit maluginiarneqarpoq.

Naalakkersuisut akissuteqaataat ataatsimiititaliamit tusaatissatut tiguneqarpoq, tassungalu atatillugu aatsitassat pillugit inatsimmit periarfissiissutigineqartut sapinngisamik amerlanerpaanit atorluarneqarnissaat siunertaralugu innuttaasunut ilitersuinerit annertusarneqarnissaat ilanngullugu eqqarsaatigeqqullugu kiisalu aatsitassanut tunngasut siunissami aqutsivigineqarnissaat eqqarsaatigalugu sulianik ingerlatsineq pisariillisaqqullugu Naalakkersuisut qinnuigineqarlutik.

Siunnersuutip aningaasaqarnikkut kingunerisassai

Inatsisartut suleriaasianni § 33, imm. 1 naapertorlugu siunnersuutip piviusunngortinneqarnerani aningaasaqarnikkut kingunerisassat nassuiaatigineqarput. Tunngavissat pigineqartut tunngavigalugit siunnersuummi oqaatigineqartut saniatigut allatut naliliinissaminut ataatsimiititaliaq tunngavissaqarsorinngilaq.

Tamanna tunngavigalugu siunnersuut akuerineqassasoq ataatsimiititaliamit isumaqatigiittumit inassutigineqarpoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappassaaniigassanngortippaa.

Jens-Erik Kirkegaard,
Siulittaasoq

Múte Bourup Egede

Poul Hansen

Ineqi Kielsen

Siverth K. Heilmann

Naaja H. Nathanielsen

Kalistat Lund